

կազոյնս պատուիրեալ նմա և որդւոց նորին, զի մի երկուցեալ 'ի Բդեշխէն և կամ խաբեալ 'ի կաշառաց այլոց, այլազգ իմն գործեսցեն, գրել կամ կնքել վասն գործոց Հայոց, զի մի յետոյ Թաղաւորն հատեալ զգլուխս անձէտ արասցէ զինքեանս :

Եւ ապա մեկնեցաւ ընդ Ոստիկանին 'ի Յոսպէ, որոյ ծախուց ձեռնառու եղեն Հայք ըստ խնդրանաց նորին, դնալ անտի 'ի տեղի աքսորման իւրոյ ('ի 21 Յունիսի) : Եւ մինչդեռ Դատաւորն նստեալ էր 'ի Յոսպէ՝ եհաս գիր 'ի Կուսակալէն, և ընդ նմա պատճէն հրովարտակին առ Քաղաքապետն՝ յորում վուծացուցանէր տարագրել յԵրուսաղէմէ գլխատաւորն, և եթէ պատճառանօք երկարեսցէ զժամանակն, կապանօք առաքեսցէ զնա 'ի տեղի իւր : Եւ զինի աւուրց ինչ իբրեւ տեսին Քաղաքապետն և զինակիր Կուսակալին թէ Դատաւորն նստեալ էր 'ի Յոսպէ, յարմարեցին զայլ իմն բան, իւր 'ի դիմաց Կուսակալին, ըմբռնել զնա և կապանօք առաքել 'ի Դամասկոս, զի գիտացից ասէ թէ՝ յո՞րուսացեալ է, բայց ոչ կարէին հանել զնա անտի բռնութեամբ : զի Յոսպէ չէր ընդ իշխանութեամբ նոցին, եւ ետուն բերել զորդի դպրապետին, որ դնացեալ էր ընդ նմա, և իբրեւ սպառնացան նմա, արաք պատասխանի՝ թէ նա վաղ մեկնեցաւ 'ի քաղաքէ անտի, և ես մնացի ընդունել զնոր Դատաւորն և ուղեկից լինիլ նմա, որպէս սովորութիւն է :

Իսկ Լատին կղերք ոչ հանգարտեալ վերստին յուզեցին զխռովութիւն 'ի Բեթղէհէմ վասն ճանապարհին (յ8 Յունիսի) : զի պնդէին անցանել 'ի վերայ տիւրոցան Հայոց՝ նաեւ Ֆելլահ ժողովրդոց, մինչեւ անհանգիստ առնել զկրօնաւորս 'ի Ժամերդութեան՝ հարկանել զնոսա, կործանել զգրքակալն և անցանել 'ի միջոյ նոցին : Հայք յԵրուսաղէմ երկոյս անդամ աղբ արարին Փոխանորդի նոցին զօմել զստահական, և չթողուլ սերմանել խռովութիւն 'ի մէջ երկուց աղգաց, այլ նոքա իբր յանգէտս, մերթ խոտանային գրել՝ զի մնացէ այնպէս մինչեւ ցնոր տնօրէնութիւն, և մերթ չկամէին ելանել արտաքս յերկիւղէ Ժանտախտին, սակայն միտքանք նոցին 'ի Բեթղէհէմ ոչ դադարէին 'ի թշնամանելոյ զՀայս, սուտ և յար-